



上











P1



嘉慶五十年夏鑄

里人陳墨嶺增輯

# 貞豐擬乘

聚星堂藏板

增輯貞豐擬乘自序

覲韓章先生耄而好學旁搜博採其所輯貞豐擬乘本可信今而傳後猶憶予束髮受書過庭時先君曾取而指示之後因奔走場屋揣摩時尚日從事於帖括而擬乘一書藏之篋中不及觀覽者四十餘年近因年逾花甲舉業置諸度外於課徒之暇搜檢敗簞捧讀一遍而吾鎮之故蹟恍然在目第思章先生著述之成未有刻板即所有抄錄舊本亦皆殘缺而



自癸酉屈指及今幾六十載矣。天道變於上，人事遷於下。吾鎮之有待于書記者，又不少矣。爰於二三年內，追取目見耳聞之遺迹，復為增入，以附於各條之後。倘遠近考古之士，不以予為好事，而有續貂之譏，是則予之厚幸也夫。

嘉慶十三年歲次戊辰臘月上浣里人陳勰謹述



貞豐擬乘原序

士不可以無筆。天地事物之故，九州四海而遙，挾尺寸之管，奚囊貯之矣。而不然者，鄉曲至近耳而目之，口不能言。聽其零落湮沒者，豈少哉。貞豐里土名周莊，僻在元和之東南，地不數里，巨浸環之。攷輿圖，直彈丸耳。雖然，疆有索賦，有籍水陸所饒，物土之宜，以阜財求者，凡幾人。材輩出，卓然自立者，有幾。或匿采韜光，不自炫異。而其志行可採者，有幾。余讀郡邑志。



貞豐採錄  
類不概見。豈無俟生長其地者。據所聞見。採而錄之。耶。覲韓章君。士之有筆者也。實生長茲土。用是有貞豐擬乘之作。乘之為言載也。古者以名其史。言之文。行之遠也。章君曰。無能為役。聊擬焉。云爾。然取材徵實。詳簡適宜。言之文。行有不遠乎哉。夫擅作史之長。而僅寓之鄉曲之近。其詞又謙抑自下。如是。余又安能測其學殖之究竟。士惟虛其心。乃能應萬事而不窮。他日入承明之廬。珥筆於著作之林。而為茲乘。

光者。非君也耶。

乾隆十有八年歲在癸酉三月既望  
賜進士出身朝議大夫秋官郎學弟周廷燮拜書



貞豐擬乘自序

憶自辛亥秋。客遊西粵。由江南而浙而豫而粵東西。歸程則從桂林省城而楚而豫而浙而江南。宛轉一萬二千七百餘里。凡山川之靈秀。人物之豐美。土音風俗之不齊。以及崇岡峻嶺。駭浪奔濤。幽岩絕壑。之可驚可愕。鮮不接于耳。而寓于目。舟車所至。輒叙一言。為嶺南雜志粵遊紀程二集。非敢問世。聊以志不忘耳。夫驚乎遠而忽諸近。識其大而遺乎小。非學也。



豐里  
余生長貞豐之里。地祇偏隅。耳目淺隘。非如大都通  
邑。名山巨川。為前人題咏流連之處。可以攷古証今。  
著於筆墨。以備輶軒之採。然其間豈無廟宇古蹟祠  
墓橋梁。班々可稱述者。豈無老成碩士。孝子順孫。義  
夫節婦。卓々炳耀天壤間者。又豈無隱流逋客。緇素  
黃冠。景物移情。詩歌寫志之不容湮沒者。使概置焉。  
聽其零落。而弗與之傳。不且為文人學士之羞耶。竊  
不自揣。平居雅好紀聞。廣為採輯。考其軼事。每取証

於殘編。詢諸故老。復摩抄乎古碣。凡可登載為閭里  
光者。事無鉅細。悉以寄之管城。積數十年。搜之篋中。  
彙而成帙。顏曰貞豐擬乘。以視粵遊之作。雖有大小  
遠近之殊。其所以志不忘一也。里中諸同志。咸請付  
諸剞劂。以公全好。自愧一生不遇。偃蹇以老。既不能  
蜚聲雲路。為鄉國重。復不能為一黌之儁。引掖後學。  
有先生長者之稱。徒以鄉愚野老。為無足重輕之輩。  
以云著述。能弗使當代名流。為之掩口哉。貞豐里老



章騰龍述



增輯貞豐擬乘例言

凡十則

一是集所志。不過徧隅。元和縣地界遼濶。兼之見聞未廣。不能徧及。

一是集所志。水道橋梁祠墓土產廟宇古蹟。止就附近者登焉。餘槩不及錄。

一是集向無周莊鎮全圖。今增入。使閱者展卷了然。又巡檢司衙門。既在鎮中。尚當增名宦一條。



貞豐里  
一是集所志人物婦女。係風教攸關。必見諸史策。及前人傳說。始敢採入。間有一二未著明文者。亦必查訪確實。毋敢稍徇偏私。

一是集所志異果異聞及仙釋流寓。不過備野乘中之一則。無係重輕。

一是集所志詩文。必與本集關照。始敢採入。

一是集獨缺科第。貞豐里雖戶誦詩書。而登仕籍者寥寥。焉間有一二乙科。已載入邑乘。茲不具錄。

一是集附及祖先名字。臨文不諱。古人有然。并同里鄉先生。俱直書全號。閱者幸勿叱為狂妄。

一是集所採詩文。俱係古人之作。鎮中諸君子。佳製頗多。去取恐涉乎私。概不登載。狂瞽之見。伏冀鑒原。

一是集所志名賢碩德孝子順孫。雖世遠人遐。卓卓炳耀天壤。乃有闇修之士。獨行之君子。往。韜光匿采。不樂表見於人。人亦無從而知其遙情逸致。



尤可想也。行將悉心殷訪。以俟續登。

增輯貞豐擬乘目次

卷之上

地界

風俗

水道

古蹟

流寓

卷之下

沿革

土產

廟宇

人物

名宦

八景

橋梁

祠墓

列女



仙釋  
襍錄

冥果  
詩

異聞  
文

貞豐擬乘卷上

里人章騰龍觀韓原本

陳勰墨祺增輯

地界

周莊鎮一名貞豐里。有三畝。在南二十六都一畝嚴  
字圩。二畝中江南江字圩。三十六畝下江字圩。向屬  
長洲縣。雍正四年。分為元和鎮。西過一水為吳江縣。  
東垞過東一水為松江府之青浦縣。鎮不及五千戶。  
地不及三里許。界三縣。跨兩府。有司頗難為理。



湖南

周王巡  
檢署



周庄鎮全圖





衢

沿革

周莊向屬村落。自金二十相公南渡來此。稍為開擴。至沈萬三父沈祐從南潯徙于東垞。始闢為鎮。今街衢彷彿猶存。明季遷肆于後港。東西闌闌多墳墓。鮮民居。國朝初湖寇出沒。特設總鎮一員。公署在後港之西偏。近廢貞豐里。係蘓臺鄉管轄。四都中二十都北二十六都二十七都六都南界頗遼濶。茲獨以貞豐里稱。以鎮有貞豐橋故。地為宋朝迪功郎周君收穫之所。故又



名周莊。若全公橋側。有周爺廟基。明正統間。周文襄公忱。開濬陳湖。以東土人德之。為之立廟。非迪功郎也。今東西二港。俱成列肆。後港間寂矣。  
乾隆二十七年壬午歲。江蘓巡撫陳宏謀。題奏設列周莊巡檢司一員。著初任吳錦。創造公署。而吳以清遠庵西首。惠傳和尚所遺樓房二進。平屋二進。改作公署。而清遠庵側。遂為議事之處。至今猶然。

八景

雨花春曉。在南湖口。雨花尼庵。每二三月間。桃杏纓紛。春禽睨睨。為勝遊地。  
小橋流水。在雨花庵之後。碧水滄泓。野花盈岬。春光明媚。如在武陵渡口。  
全福曉鐘。全福寺在白蜆江畔。喬木陰翳。梵宮蔚鬱。曉雲初布。暮靄方收。欲覺聞晨鐘。令人發深省。  
蜆江漁唱。白蜆江灘。為漁人晒網處。打魚沽酒。醉後



興歌。幾不知有塵世間事。

南湖秋月。值皓魄當空之際。彌天世界。盡入冰壺。

急水揚帆。全公橋外急水港。為雲間運道。舳舻联接。

巨浪排空。帆影漫天。勢雄聲壯。

莊田落雁。莊字圩田。在清遠庵前。荻蘆搖曳。為羣雁

栖咏之所。

東庄積雪。庄田一千三百餘畝。明初為沈萬三積粟

處。故名東庄。又名東倉。當滕六飛來。如銀粧玉裹。萬

象一空。有徐我石八景詩附後。

吾鎮舊有八景。前輩多吟咏之。但歲月屢遷。風景

易變。如小橋流水。今已水道淤塞。而雨花春曉。昔

為徐氏家庵。今為尼姑禰處之所。窈不自揣。以

指歸春望。鉢亭夕照。易之。餘六景俱仍其舊焉。

指歸春望。指歸閣在全福寺山門內。四面有窻。標本

為重九日登高之處。而遥望之。下一無障蔽。春景尤

目不給賞。

鉢亭夕照。洗鉢亭在永慶庵文昌閣後。西向面池。池

水滌洄。野鳧白鷺。浮沉游戲。亭畔古柳。陰森覆綠。至



斜陽遠照。迴光掩映。足令人心曠神怡。樂而忘返。

風俗

里中風俗尚氣節而重文章。好行善而敦公信。遇有  
勝舉必極力共襄。見有懿行必交相稱述。然其間醇  
者固多。黠者亦復不少。良由父兄之教不先。子弟之  
率不謹。人類不齊。固非一隅所能定也。  
鎮在陳湖之東。鮮郡城奢華之習。男勤于耕。女勤于  
織。頗以作家為務。間有不事生產者。輒羣起而非之。  
以故鎮雖小。殷實之家亦有。而近來歲比不登。澆風



日起。外有餘而內不足者多矣。合里素稱勤儉。而嬉遊之習亦多。上元有馬燈之戲。擇童子之姣好者。扮為故事。鑼鼓喧鬧。二三月間各鄉村集名優演劇。從郡城邀至。歌值加倍。午後登場。演不過二十齣。恒費至三十餘金。相習成風。弗惜也。迨各處寂然。則吾鎮殿焉。三月廿八東嶽誕演戲。後四月天氣炎熱。或再演名班。則必搭松毛棚。設桁木。使看戲者不至日曝。與擁擠。至五月十八賢聖誕界。

分五方。各方鬪麗。辦齋筵。或演劇。或放花。弦歌簫管之聲。晝夜不絕。三四日中元有龍舟之勝。城中以木止宜于晝。此獨用紙。兼宜于夜。彩旗錦繖。炫耀奪目。秋冬四方遊客。或擅彈詞。或工評話。復繹絡而至。一年之中。耗費多端。雖不至有傷家業。抑亦鎮中之流弊也。

此間男女最崇香信。遠則越海而至普陀。不避風波之險。外此如武當三茅九華天竺等處。亦歲必至焉。



若虎邨元墓附近名山。不過資遊覽計耳。再或村姑里老。無力出鄉。僅在馬現庄落霞浦野廟中。和南膜拜。作竟日之遊。亦以為了一却一年心事也。

### 土產

貞豐水區。以漁為業者多。或以簞。或以網。或用叉。或用釣。凡河魴。鰻。蟹之屬。四時不絕。銀魚不亞于鶯脰。湖中所產。秋間黃雀。戴鶯。野鳧。鵝。鳥萃於此地。白蜆。江向出。白蜆子。味極鮮。今不能多得矣。有生酒。名十月白。味清冽。可以久藏。嘗有木瀆人。邀鎮中酒司。往彼照式製造。終不能及。良由蜆江之水。使然。土人。醕酌其間。而不知。



銅器馮費二姓之脚爐與嘉禾之張爐媲美堅實厚  
重卅年不敝。小布細密勻潔凡西客必于鎮是求。  
為農者為漁者賴竹器供用尤急然皆出于北柵而  
朱天祥兄弟三人造竹器稱為獨步。銅里角直陳墓  
金澤等鎮各處攬販馳名久矣。

### 橋梁

富安橋居鎮之中向名提管橋其旁有提管廟元末  
傾圮富人沈萬四修建改今名勒石橋塊相傳此為  
合盤橋從未有探其底者。無橋徑者提名合盤橋

隆興橋在富安橋之南起建未詳。

報恩橋在南湖口又在隆興橋之南向係木橋時修  
時廢康熙五十年錢王浜朱瑞如獨建後又傾圮乾  
隆五十六年里人捐貲重建橋門改作向東故橋柱



聯有長虹直吸東垞界半月灣環南浦濱之句。其規模宏整。與全功橋相似。

世德橋在富安橋之北。里人徐松泉、徐竹溪建。

永安橋基聯于世德。世德跨東過西，永安跨南過北。里人徐正吾建。後于乾隆三十年後重修。嘉慶五年又圯。合里捐貲重建。

全功橋在世德橋之北。為全姓所建。其字未攷。康熙初年重修。俗呼北柵橋。至乾隆三十六年，眾姓捐貲

重建。橋闌干用城磚鋪砌。規模比前加倍。約費千金。橋柱聯有北瀕急水泉源活，西控遙山地脈靈之句。太平橋在世德橋南首過西之後港口。明嘉靖間眾姓公建。里人王廷用包完工料。後于乾隆三十六年傾圮重建。

福洪橋在後港之西口。康熙間修建。後乾隆四十九年又重修。

晉慶橋在鎮西中市澄虛道院之前。俗呼聖堂橋。雍



正間重建

貞豐橋在普慶橋之西。鎮以此得名。起建未詳。其來古矣。

梯雲橋在普慶橋之東。石塊木面。起建未詳。

小橋在雨花菴前。橋不逾丈。非富安等橋之比。以其流向水處。向為八景中之一。故並志之。

又後港徐允恭宅邊。亦有小橋。今名小橋浜。橋內通魚池。橋外即楊家潭。其潭最深。水最冷。暑天後港人。惟

在潭邊洗浴而已。

通秀橋在鎮之西。柵對河。即吳江縣界。向有木橋。以便往來。乾隆三十九年。里人捐貲新建。



水道

鎮中港脈。自南至北為富安橋河。見府志河之南為南湖。俗呼南白蕩。河之北為急水港。從港過西為白蜆江。通陳湖。過東為東垞港。進永安橋。過東為銀子浜。再折而南為箭涇。常多淤塞。出貞豐橋外為西灣。之南為新開河。康熙五十年間。清遠庵僧開鑿。雍正元年。里人將合鎮河道疏通。至乾隆三十六年二月。又皆開鑿。并箭涇亦通舟楫。



周莊一路。概名陳湖東。湖通白蜺江。大可四十里。相傳為邑聚所陷。一名沉湖。見元和志據越絕書。吳王封少子搖于姑蘓城外東南二十里。今南二十六都之廿二廿三等。苗為搖城。湖傍搖山。豈其故封耶。又據太平廣記云。此為陳縣有獅眼流紅之說。事屬荒誕。未可盡信。然當秋高水涸之際。其中街衢井灶。歷歷可辨。間有拾得金銀銅鏈及器四什物之不可識者甚衆。其為沉也無疑矣。長邑令李如石流寓於此。

急水港過北里許。為太師田。周圍數里。在穎村之南。相傳為賈似道田庄。今湮為河。前年水涸。內有古井數口。想亦人居稠密之處。今不及五百餘年。烟水茫茫。無從攷據。桑田滄海。彷彿陳湖。良可慨也。白蜺江長九里。濶亦如之。史記正義註太湖東南上七十里。至白蜺湖入海。曰上江。禹貢註三江既入。一婁江。一松江。其一東江無攷。張國維三吳水利全書白蜺江為澱山湖發源之處。由澱入海。三考江太湖正東之幹流為淞



江東北之分流為婁江東南之分流為東江。按此殆即所謂東江也。相傳此江最險。有異人來云。江底有九泉。某日某時。有紅蝦九浮於水面。可預備鐵柱。從蝦釘下。可以塞之。里人如教。遂為安瀾。然風作輒不能行。明初姚廣孝有風阻夜泊蜆江口懷徐賁詩。采見

風類記

詩附後

### 廟宇

全福寺係貞豐古刹。在鎮西北半里許。其餘俱在鎮中。北有永慶菴。俗呼觀音堂。南有清遠菴。俗呼三官堂。桃花菴在東。在地。俗呼牛郎廟。道家則有澄虛道院。在鎮中市。俗呼聖堂。東岳廟築在全功橋側。之周爺廟。基城隍廟。賢聖堂。俱在南湖口。土地堂在永慶菴。山門南首。女菴在西。為新菴。康熙五十七年。建兩花菴。在桃花菴之南。里人徐次玉同室陳氏建。萬壽



菴在桃花菴之北。為吳姓修建。娘廟在鎮之西。柵對河。雖屬吳江縣界。而與鎮相連。外此如崇遠報福等菴。俱屬貞豐里。亦並附志。

全福講寺。宋哲宗元祐九年建。係迪功郎周君暨室

章夫人舊業。周君邑乘失其名。至南宋理宗淳祐二年。勅賜

為寺。殿基為民佔。歷朝例不起賦。領菴四。善住在廿七都觀妙

永慶清遠。見元至正六年火。有古鏡和尚更新之。正

長洲縣志。師坦立石記。僧至明洪武三十一年。古鏡之後嗣。遠

菴法師名大佑。奉詔為左善世。精究內外典籍。善天

台賢首教義。有彌陀畧解。淨土指歸等書行世。因兵

燹之餘。于寺大行修理。遠菴之力居多。世宗朝復得

法雲禪師起而鼎新之。萬歷間有僧道隆勸募重修。

見萬歷六年周光碑記。又明弘治間火。江旻禪師修建。嘉靖三

十四年。又遭回祿。秋壑禪師起募。里人王廷用捐貲

首倡。廢而復興。見頌潤澤碑文。萬歷壬午七月辛巳。大風潮

拔木破屋。殿宇傾頽。寺僧慈念矢志募修。從萬歷四



十四年興工。成于天啟庚午八月。住持慈念徒良能居士徐道亨同男御律捐貲董成。

碑文覺休居士繆希雍撰并書丹

國朝順治二年。僧懷濬尚朴重修大殿。五年搃戎

揚承祖捐俸修建。康熙十二年。僧問月捐瓶鉢貲創

建指歸閣及山門廊廡圍牆。并募置飯僧田畝。

參府志及

元和縣志康熙四十年間。里人陳恒章獨任修葺。捐白金

五十兩。雍正元年。殿宇傾圮。里中沈蒼時費揆一陶

惟一諸善士同寺僧咸載等力行勸募。約千餘金重

修殿閣。添造軒楹。整葺山門。金裝佛像。規模煥然一

新。請碧涯禪師駐錫其中。

有彭啟豐碑記

全福寺正殿為禪堂。和尚賴齋飯度日。其餘大東房

小東房。中房。西房。俱食酒肉。受用過平。等人家。鎮中

有錢者。或到市中賭博。或托名避暑。一月半月。或有

會酌飲酒喧鬧。四時不絕。在為僧者。置禮法如弁髦

矣。今類玉山師。出家中房。乾隆十年間。到杭州靈隱

寺。初為百一師。後接巨濤和尚方丈。萬歲南巡兩



次拈香。禮儀應對。並無差失。賜玉如意。紬緞等物。誠盛事也。至乾隆三十五年冬。玉山師歸寺。命仁山代理方丈。將四房之田產。經懺之銀錢。俱歸常住中。僧房通共出入。持齋誦經。鳴鐘擊鼓。一一守乎規矩。非復前日之景象。玉山真不愧中興之和尚矣。錄先嚴秉

木公  
筆記

寺中改作叢林。不及十五年。眾師涉訟。無人當家。復自立門戶。即在仁山既歿之後。惟元邑江邑青邑

田共七十餘畝。仍歸常住收管。于乾隆五十六年。敦請杭州靈隱寺淨植和尚主席。而大殿將圯。毀淨植竭力募緣。于嘉慶六年冬重建。規模比前加倍。大佛裝金。約費五千金。

清遠庵向名永寧。宋淳祐間建。明初兵燹。僧玉琳復興之。萬歷中燬。崇禎十四年僧照音重建。見元和縣志國朝康熙四十七年僧曉一募修。厥後惠傳師出已



資重加葺理。添築圍墻。近于乾隆五十年後。三官關  
帝二殿俱已傾圮。里人捐貲修葺。

永慶庵元至正間建。時有衲侶智修。依里中富人沈  
萬三乞水西田數畝。結茅于此。有明三百年。時修時  
廢。崇禎改元。僧本覺恢宏前烈。積瓶粒貲。買田五十  
畝。置諸常住。又市經律論數千餘卷。樹閣以覆之。里  
人徐御徐韶律佐理焉。勒石殿前之左。碑文劉錫京  
撰。國朝初改十方禪院。有李模飯僧田文。李仙根

篆額書丹。穹碑可據。志見府中間有不肖緇衣。盜棄僧  
田。無能接衆。故仍稱永慶。殘碑藏置藥師閣後。而殿  
宇頽廢。屢次議修。無成。乾隆十七年。住持雪鴻和尚  
與其徒志堅。擊板叩募。鎮中善信。捐貲協助。凡山門  
後殿。俱以鼎新。并建文昌閣。帝二閣。啟櫺遙矚。風帆  
沙鳥。遠水斜陽。歷歷在目。可與全福寺指歸閣媲美。  
後雪鴻師徒相繼圓寂。無人主持。庵中于乾隆四十  
年前。請吳江塔寺明初和尚居住。幾及卅載。山門正



殿。稍為修葺。今明初歿後。俱屬明初付法徒坐吳江塔寺方丈祥謙之子孫帶管矣。

桃花庵不過數椽。當年牧童疊石成之。故又以牛郎

廟稱庵。後晉同骨塔。康熙三十三年。陶萬若徐晉公

募建。雍正間沈蒼時作引。增築骨塔圍牆。庵向有惜字

社。係了能僧募化倡始。有張浣心桃花庵惜字緣起。

社年久荒廢。信士俞日襄每年助米二石。以續善舉。

令嗣蒼培復捐貲十二金。了能之徒了然再行叩募。

置田於社中。勒石殿前。碑文徐鏞撰。

澄虛道院。宋元祐間建。儀門。嘉靖間里人王廷用建。

國朝康熙二十五年。道士胡天羽建玉皇閣。峽溪

張浣心有詩。三十年又建文昌閣。院前普慶橋。向有

雀竿懸燈。以照西灣之夜泊者。鼎革後居民稠密。院

以西俱成列肆。此燈遂廢。惟雀竿之夾石存焉。院有

五井。一在正殿前。一在院旁民家。俱無恙。山門外一

井已湮塞。石欄故在。有弘治己未年其二不可攷。乾

廟宇  
十九



隆十六年。住持起造門樓。不獨夾石無存。即井欄亦滅跡矣。又院有施棺社。里中善信。醵金為二十具。存貯於此。每施一具。設法墊款。亦善果也。萬壽女庵。奉白衣大士。祈嗣者萃焉。住持師徒修建始末。具載迺安瀾碑文內。娘。廟在通秀橋西塊。吳江縣界。供奉碧霞元君三尊。常戴珠冠。穿袍服。旁有陰司船一隻。蓋泰山之神也。起建未詳。正殿匾上。康熙九年庚戌重修。

東嶽廟創建。在雍正初年。乾隆七年。眾姓捐金增建山門兩廡。二十四年。又裝塑十五像。并立雀竿懸燈。以照商船之夜泊者。城隍廟向府縣俱在一殿。于嘉慶四年。正殿府城隍公座。西首縣城隍公座。東首五方賢聖公座。瘟部司在東側屋公座。正殿頭門造戲樓。東西兩頭門亦極巍煥。董其事者。里人王殿方之功居多。報福庵在綦庄。宋淳祐間。有陳法源棄累出家。敕立



小庵於此。裝塑佛像。為祝聖道場。置田一區。與道者王妙因。俞妙勤。營耕度日。延接往來僧眾。法源年老。恐後人不守。具呈平江府。給示勒石殿前。碑文中散大夫高不禱撰。

崇遠院。宋末元淳元年。有朽菴僧。從終南山來。至影溪。今名穎村。愛景致清幽。遂卓錫焉。始翦草庵。欲結蘭若。募人築基。所携黃犬。啣土助勞。寔有祥異。因建一土山上。栽松柏。可以遠眺。朽師道行精嚴。翕然雲

集。凡殿堂門廡鐘鼓樓閣。畢備為東南之鉅觀。元末兵興。院遭回祿。明洪武甲子。有上人信守誠。一來此振興。其徒源澤。允恭。傳至道津。道潤。皆清儉自守。成化間。廢僧德淞。智安。增創修葺。能復舊規。碑文兵部侍郎陸完撰。

寢浦廟在陳湖之東。相傳宋高宗南渡時。借宿於此。故名寢浦。廟神靈異。有禱必應。後頽廢。有含機上人鼎新之。



崇元庵在白家浜錢王浜交界之所大殿住持向無  
產業僅藉月米供僧今于嘉慶十四年二月村中朱  
倫先等捐資置買門眷六百餘戶以其經懺出息可  
為永遠齋供并將門簿契券勒石殿前俾年遠歲深  
不至有變賣及抽換村庄之慮亦善舉也

### 祠墓

元和城隍司。姓張名明。漢光武時名將。係長洲縣武  
安君土地。分縣後陞授。  
周莊土地神為李明大王。王名明。唐太宗納巢刺王  
妃楊氏所生。封曹王為蘇州刺史。有惠政。歿于任。所  
萬民留葬。今其墓在鎮西里許江澤村。流慶庵之後。  
稱曹王墓。屬吳江縣界。亦為吳江縣城隍。嘗有人窺  
其寢宮。其柩空懸不着地。乃王侯之葬式。非無據也。



按圖經云。梁開平三年。淮兵圍蘇。吳越王錢鏐禱之。輒應。封昭靈侯。封神自此始。

急水港渡船口水神。為金龍四大王。凡雲間漕艘經過。必禱祀焉。王姓謝名緒。晉太傅安之後。為會稽諸生。神以戚畹不仕。元兵入臨安。謂門人曰。他日黃河倒流。是吾報仇之日也。赴水死。明興與元將蠻子海牙水戰于呂梁。元據上游。太祖見神將三操劍揮兵。黃河遂逆流而上。因乘勢直衝。元兵大潰。太祖呼曰。

神將留名。以便封爵。夜夢神來告云。我謝緒。兄弟行居四。葬金龍山下。今日為宋報仇。非請封也。其偕來者。楠木二將軍。太祖乃勅封為金龍四大王于黃河上。建廟祀之。

蜺江口蘆心墩相近。名晏公嘴。上有小祠。稱晏公老。太水神也。神名仔。元初為文錦堂局長。登舟尸解。因立廟焉。封都督大元帥。明洪武初顯應。又封平浪侯。今神位稱平浪侯都督大元帥。



里中有五方賢聖祠。相傳為春秋五大夫。曰蘧伯玉。曰劉康公。曰張老。曰趙文子。曰史魚。明季南湖口有大樹。挺生一本。五枝。型匠見而異焉。曰枝按五方。宜為神像以奉之。里人如教。頗見靈應。順治乙酉。陳墓陸兆魚糾眾拒命。有劇盜周瑞等藉以擄掠。始曰借餉。繼將肆劫。貞豐糾眾至湖。遙見兜矛探甲者五人。特立岸上。盜惧乃退。又康熙丙子七月廿三日。大風潮。拔木破屋。人見有冠袍五色者。隱見于烈風暴雨中。

此殆神靈所以默佑一方也。

錄徐殿方手抄

賢聖祠旁有部下堂。稱瘟部司神。以唐寅為之。

桃花庵左側有猛將堂。明王鏊志云。神姓劉名銳。宋將劉錡之弟。王穉登修廟疏。又稱是劉光世之弟。及考怡園襍錄。宋理宗景定四年三月八日。皇帝勅書。其畧曰。飛蝗犯境。民不能驅。吏不能捕。賴爾神力。掃蕩無遺。上感其恩。下懷其惠。爾故提舉江州太平興國淮南江東浙西置使劉錡。今特勅封為揚威侯。天



曹猛將之神。爾其甸撫庶民。血食一方。據此則神為  
劉錡無疑矣。國朝又勅封猛將為中天王。  
三珠浜有陸遜墓。人不敢犯。墓旁古柏。相傳是晉代  
遺留。村中陸氏至今祭掃不息。雖無確據。然已相沿  
久矣。又據太湖脩考。順治間有某姓卜葬于洞庭白  
沙塢。定穴開墳。得一石槨。旁卧石碑。有東吳左丞相  
陸遜墓八字。某急斂土填之。徙葬于下。并諱其事。不  
為表識。豈此間乃其疑塚耶。

沈萬四住黃墩港。其墓在穎村崇遠院之左。高大如  
阜。內聯五柩。規模宏大。院有兩房。康熙年間。西房僧  
見墓旁有穴。潛入盜其金爐壽星等物。以致驟富。墓  
中宛如隧道。建有石屋。停柩處。柩已無存。惟有零星  
乾漆在地。進後又一石門緊閉。至今人不敢啟。  
鎮西中市有張姓起造。啟土尺餘。有柩。內卧吳姬。面  
色如生。佩寶劍一口。張惧。即為掩埋。至今猶在想南  
渡時。金虜經過。歿而瘞此者。



銀子浜金鈎釣月處。水底有一古墓。當秋水澄清之際。可俯而瞰焉。

### 古蹟

鎮北急水港口一村名側洞。宋時韓世忠屯兵于此。以拒金寇。此地松江出海咽喉。誠為要地。去鎮東南數里一村。在澱山湖口。屬青浦縣界。亦駐一旅。與側洞遙為聲援。村名韓上。以韓公得名。去後留副將石仔鎮其地。一遵韓公約束。陳湖以東。民賴以安。今有石人廟。鑿石將軍像。志德也。康熙四十年間。側洞村中。掘得古錢幾甕。想當年屯此為賞兵之用。又一年



夏間南湖水涸。浴者撈得酒瓶無數。兩頭尖銳。識者知為韓瓶。貯桃梅花枝于內。可使結實。

沈萬三宅在東垞村。萬三名富。字仲榮。萬四名貴。字仲華。湖州南潯遷來。父祐以力田致富。後萬三為汾

湖陸德源治財人。陸知世將亂。盡以家貲禪沈。去為

黃冠。今郡中竹堂寺即德源故宅。見鄭菊房手抄

銀子浜係萬三之園。湖石尚存。為當年勝遊地。浜非通渠。其盡處有水一泓。通泉紆洄曲折。旱歲不枯。築

小邱于上。名金鈎鈎月。見楊循吉蘓談

東庄地乃萬三東倉廢基。是其積粟處。東通住宅。西接銀子浜。園亭倉庫相為聯絡。

全福寺主佛法身三丈餘。順治五年。總戎楊承祖過

白蜺江。遇風空中神佑得免。乃駐旌寺中。發願修建。

迎虎邱海湧峯雲巖寺世尊像于此。殿前出世獨尊

匾額。乃楊手筆。又其副將有水。中佛國一匾。泰府志及元和

志。世尊屢著靈異。雍正間。錢王浜朱象賢遇盜。見有



大偏衫蔽其母盜不得前。其家捐金裝塑焉。  
全福寺鐘不知何年所鑄。明季有異人來募此。眾共  
笑之。夜聞風雨聲。鐘遂飛去。在東土之圓化寺。離此  
二百餘里。然蒲牢一鳴。輒有懊惱來之音。雍正初年。  
全福寺大行修建。獨闕一鐘。東房衡玉師踪跡其處。  
寺已傾廢。鐘故在。但無全福字樣。欲請歸。禱于佛前。  
不許。而全福曉鐘為貞豐八景之一。久成虛話矣。直  
至乾隆三十八年四月。方丈僧仁山募緣重鑄。重三

千餘斤。懸于殿左。聲聞數十里。十餘年後。為鄉間一  
有孕婦人所撞而破。至今碎絰直貫於頂。聲亦殺于  
初矣。

全福寺藥欄房。一名大樹房。有古榆一本。干霄蔽日。  
舉鎮稱喬木焉。徐元嘆落木庵詩稿。有亂後過周莊  
全福寺喜大樹無恙一詩附後。  
全福寺中房。有古井一口。昔年有一老媪。積傭工之  
資所鑿。井欄鐫義井二大字。惜未傳其姓氏。



永慶庵正殿匾額散影于江四大字。係泐大師此上所書。以贈孝廉戴星歸者。鈇畫銀鈎仙筆也。師隋朝宿德。現女人身。為楞伽山五通神大夫人。夫人因其荒淫。披薙于天台之無葉堂。松陵才女葉小鸞奉以為師。事見午夢堂集。戴童時極聰俊。師與之善。稱薰香公子。戴書室稱薰香齋故云。并贈以画。有魚化龍及大士出山圖。一細鈎。一粗筆。均非凡品。師聞日必至。語言酬對。不可具述。因勗其善為修持。勿墮惡道。發科後罔

念師言。為暴于鄉。斃于獄中。

永慶菴水月軒前。有慶雲紅牡丹一本。係前朝所植。約百有餘年。康熙初。忽發玉樓春二朵。亦花瑞也。百名家詩鈔。有徐汝璞詩附後。

縱目亭在荷花池畔。為南徐別業。隔一小堤。即屬南湖。風帆沙鳥。朝旭宵輝。四時無所不宜。為鎮中之僻境。今為馬鍊師所居。亭基無存矣。有張浣心晚眺一詩附後。



白蜺江中有蘆心墩。相傳明沈萬三婿借寶龕經過。即在舟中牽龍。米驟多。舟重。寶龕連舟沉於此。後遂成墩。蘆葦甚茂。每年墩內出無節蘆一根。洗鉢亭在永慶菴文昌閣後。旁有垂楊一大株。以亭之三面皆池。故名洗鉢。乾隆二十四年。里人陶退思募緣所建。有俞萬通記。及同人倡和詩附後。

人物

金二十相公名和。其初本汴人。隨高宗南渡。居貞豐里。沒而為神。其子名細。為太尉。理宗朝嘗著靈異。封靈祐侯。靈祐之子名昌。封總管。總管之子名元七。復為神。元至正間。陰翊海運。亦封總管。與昌之從子名應龍者同封。再晉封昌為洪濟侯。元七為利濟侯。應龍為寧濟侯。見蘇州府志所謂金家神道也。里民奉為家堂神。今子孫尚在。俱為鄉農矣。



徐民望字南溪。世居周莊。明洪武初沈萬山因事被  
逮。多所株連。人情洶懼。謂欲誅盡貞豐居者。南溪奮  
然欲極此一方民。不避鈇鉞。叩闕哀請。太祖嘉其志。  
溫旨慰勞。賜璽書五字云爾。是好百姓。民得以全。由  
是世為糧長。見徐氏家乘  
王璧字廷用。貞豐里人。饒于貲。遇歉歲。即折券蠲逋。  
遠近數十里內。飢者待食。寒者待衣。喪者待賻。怨曠  
者待婚。以至橋梁傾圯者待其完。寺宇頽廢者待其

新。義聲翕々。輿論攸歸。全福精藍。為一方祝釐之所。  
年久不振。廷用慨然捐貲首倡。廢而復興。外此如澄  
虛道院。建儀門。包完太平橋工料。在城報國寺。元妙  
觀。捐金福緣字圩。觀音堂。修理建山門。崇先禪院。裝  
金修殿。鋪磚完工。并施棺木。無筭可謂好善樂施者  
也。至于自奉。食不兼味。衣不重裘。安素守約。不敢妄  
費。其行誼斑々。勒石在指歸閣下。摘錄嘉靖乙卯冬  
碩潤澤碑記  
徐御字正吾。好善樂施。凡橋梁廟宇。宜修宜建者。鮮



不竭力從事。永安橋乃其獨建。崇禎元年。佐本覺禪師。修建永慶禪院。勒石殿左。晚年為善益力。聲聞當道。前太守陳洪謚。給獎曰。冠冕人倫。今子孫繁衍。七世同居。採東海家乘

陸湖字思周。為人個儻好義。萬歷間。為祖塋與隣豪。許訟。至南京按院。歲底未歸。除夕薄暮。見有官舫。大書蘇州府正堂私懇相附。舟人詢姓名。入稟報可。登舟。旋昏暗。無所見。戒令勿言。耳畔惟聞蕭々之聲。無

水浪衝激狀。心竊異之。潛以手探。乃在樹杪上行。未幾。曰。到矣。促之登岼。則閭門城外也。燈火煌然。鬧猶未息。元旦詣郡廟拈香。見所遺雨傘在神船上。所食。棗核故在。因設神祠于家。今子孫奉香火不絕。并顏所居曰神濟堂。健純名起龍。身列黌宮。即思周之元孫也。採陸氏世譜

陸紹奎字文星。思周之侄。善測候。精數學。長子三山。得罪魏闡。私人幾致奇禍。崇禎元年。減罪遠戍。私人



土豪金紹叔也。由是杜門教授。請內養。年逾八十。步履如飛。碁稱高手。壽至九十有五。及陸氏世譜及懷友詩集戴鎬字雲葉。十五能文章。十八遊黌序。能急人之難。解人之厄。已亥值海寇之亂。松江提督馬惟善擁兵至蘓。鄉紳顧子咸。惟善與之有隙。以語吏部顧贄。將甘心焉。子咸懼。謀于贄。乃遣弟贊偕鎬載酒犒軍。時吳民訛傳屠城。皆走匿。馬聞之大怒。因擐甲以待。見鎬舉止異衆。疑其窺覘軍事。縛之。鎬力辨。乃引卮酒

命作軍容詩。酒盡詩不成。當斬以徇。鎬立撰軍容詩四十韻。惟善喜。問所從來。因從容白。子咸請罪狀。惟善意解。事遂寢。而吳民亦賴以安。見戴氏家乘戴之佐字在公。亦明季諸生。與楊維斗、朱雲子諸前輩交。鼎革後。棄舉子業。托跡市廛。如居山谷。善二王書法。求者無虛日。公笑而應之。無倦容。所居四留草堂。教授生徒。恒日晏無烟。意澹如也。為人言不妄發。動必以禮。名節自持。有古君子風。節錄戴慶長原傳



四義士。不知其姓名。國朝初有劇盜四。逸至周莊。官軍追索。將令嚴。責民縛送。期明曉弗獲。當屠。舉鎮惶懼。時有浙醫主僕流寓。與里人某謀。以身代。頃之有新安客。亦慷慨與焉。飾為盜。就戮于軍門。盜潛池荷之葉底。得漏網。嗟乎。諸君可謂高義矣。值亂離。惜未白之。有司登諸傳志。今即故老傳聞。亦第悉其里居。不能詳其姓氏。良可慨也。

徐汝璞字我石。號雪漁。為人敦孝友。嗜讀書。寄情歌



咏。所居近白蜺江。與詩人衲子。兩蓑烟艇。出没濤浪  
間。見者疑陸天隨。張志和也。弟汝珍字次玉。好任俠  
。應試留都。揮千金。結四方名流。因與貴池吳次尾。常  
州陳定生。善馬阮。欲殺二人。幾及之。汝璞乃匿其弟。  
避跡吳山中。足不入城。長歌短韻。放浪傲睨。以終。  
所著有塞齋集。松陵詩選。年七十二卒。高人吳之紀志  
其墓。採元和志次玉四世孫昭融。名忠亮。脛胎前烈。綽  
有祖風。宦滇南。任劇職。萬里外屬其從弟子位。編校

我石公懷友詩集。付諸梨棗。長洲沈德潛為之序。可  
謂無忝爾祖者矣。

陶唐諫字正吾。嗜善無厭。有鄉農葬親于所佃田畔。  
田主訟之官。將毀塚。唐諫令遷已田中。田主為之抱  
慙。有地師寓吳。寄白金百兩。歸後三十年。其孫來吳。  
詢之。兩世奄忽矣。哭之以所寄還之。封識宛然。其孫  
不知也。所居相近。有急水港。為往來要津。無渡船。每  
遇風雨。民甚苦之。唐諫設方舟濟人。捐田三畝五分。



以食舟子。晚歲為善益力。賑飢衣寒。藥病者。棺殮者。歲無虛日。年四十餘無子。有相者曰。君陰行善事。當生令子。四十三果生子。年九十一。見四代兒孫。與賓筵考終。人謂之備五福焉。同時有張處士。士隆字君茂。張家港人。嗜善不讓于陶。康熙丁巳大疫。村民遍染。人不敢問。士隆按戶親給醫藥。全活甚眾。庚申常州飢。流民至吳。傾囷倉活之。唐諫之設渡利濟也。港在元和界。而吳江之急水港。舊無渡船。士隆亦割田

設渡。并設沈舍港渡船。凡遠近杠梁。或葺或建。補唐諫所未足。緣此兩姓通婚。鄉里思之。稱善人者推

陶張云。錄元和縣志

陶天民字萬石。唐諫子。為郡城吳敬生高弟。遊府庠。為人惇孝悌。重名節。好善樂施。凡前人所創之善舉。一一奉行不怠。至其呈請賑飢。起建骨藏。易官免以銷。而累講鄉約。以重人倫。尤擴前人所未及。長子此思。字陟山。盱眙縣學教諭。次剛德。字洪克。次琳。字惟



一次仙感字甫生皆庠生以積善傳家為閭黨所仰望。

採潯陽家乘

屠君聘名彥徵陶正吾名唐諫鄭葯房名任方爾茲名九臯沈君儀名自鳳徐我石名汝璞管公躍名淵丁賓字名社僧懷濟名廣明九人結耆英社如香山故事屠翁執牛耳每月一集竟日盤桓不設朝政不道家常飲酒賦詩看花對月頗得雅人深致附錄社集小引及諸君題咏于後。

採南山堂冊頁

鄭葯房徐我石屠君聘毛休文年俱望八時集鄭氏蘭芷軒中賦詩飲酒瀟洒出塵舉白香山四箇老人三百歲之句各賦二截并繪以圖亦風流佳話也有張浣心四老圖序附後。

採鄭氏家藏

徐上麟字長康江邑諸生祖居江澤村以教授遷貞豐鎮順治二年前進士吳易不法屯師長白蕩江澤村盜魁潘况依附標掠為桑梓患時吳頗飾儀仗上麟直詣其營陳盜狀吳亦優容之立斬以徇鄉里獲



安康熙二十年。與賓筵。壽終大耋。其孝弟睦恤。詳載  
鴻博馮太史集。子珍。字穉。發府學。弟子員。入貲貢國  
學。事親孝。居喪循禮。吳江漕運。收兌屬之民間。里長  
苦之。偕同志陶萬石。沈蒼。時呈請撫轅。俾官收官免。  
勒石縣門。以故三姓子弟。就試江邑者。例不以冒籍  
攻。採徐氏家乘  
沈辨。如江邑諸生。從楊故頭遷居貞豐鎮。時吳江田  
賦。則例頗多。奸胥任意低昂。民甚苦之。辨如呈請撫

院。照禹貢。式定為九則。勒石縣門。永以為例。採吳江縣志  
沈澄源。即辨如子。與徐友合夥生理。後徐歿。無子。止  
老妻存焉。澄源傳餐數載。養之終身。康熙乙酉科。澄  
源之子蒼。時名作霖。發解南省。為穎州學正。  
章永廉。字允清。順治初。担米四金。餓殍載道。永廉時  
開米鋪。心切傷之。見襤縷貧人。孤兒寡婦。輒作無心  
量錯。或一二升。或三升。每日率以為常。童以錯告。戒  
令勿言。有人失鬻女銀十兩。號哭于道。拾得。舉以還



之晚年坐卧一小楼。奉上清齋。供大士一尊。晨夕課誦。鄉里稱為善人。乾隆十三年十六年。米價昂貴。鎮中殷實之家。各糶平米。永康曾孫措書凌湘。幼瞻與焉。或謂之曰。此非十三年十六年之米。乃君曾祖當年開米舖時所錯去一二升三升之米也。

張冷字浣心。貞豐里之峽港人。長于詩文。身不離五畝之宅。足不踐五侯之門。隱居陳湖之濱。筆床茶竈。釣具孤篷。以自得其樂。與甫里先生相似。著有鷗莊

集行世。

摘錄蔡九霞序

鄭寬字惠人。崑山鄭氏之白眉。為徐次玉族婿。遂家于周莊。朴素無華。與朋友信。工書能詩。其篤實之君子乎。葯房先生。其尊人也。見徐塞齋懷友集

徐楣字繡谷。至性天成年十一。父患背癰。中夜侍立。暑不揮蚊。籲天請命。旋愈。來年父歿。哭至嘔血。幾成羸疾。服終尚未全痊。十八娶婦。成婚後即述古來孝行。及講解女孝經。俾同心奉侍北堂。後以饘粥不給。



作貿易計。于泖湖遇盜。舉刃間。若有物格之者。人以  
為孝感所致。有弟無才。母氏深以為憂。相為之擇婚。  
并給資本。凡公私逋負。事親諸費。無預。始終卵翼之。  
殆。所謂孝于親。友于兄弟者與。摘錄沈蒼  
時原傳

郁敬雲於康熙甲子歲。

聖駕南巡。時年七十有五。以老人接

駕于靈岩。

聖駕見其蒼髯古貌。問曰。年幾何矣。敬雲謹懼交并

悞以八十對。

玉音有穀了之語。屆期無疾而逝。遂顏其居曰問年  
堂。冢宰吳恕菴手筆。

李培初忠厚人也。康熙三十三年七月廿三日。大風  
潮人死無筭。時在中途。更餘舟不能維。泛入河濱。將  
即于死。風雨中蒲伏登岸。聞有犬聲從村中來。黑暗  
彷彿一白犬。因隨之行。約數武。犬輒回顧作聲。里許  
始至一處。有火光叩門。其家有婦人分婉。延之入。明



晨天霽鄉人送歸。李翁欲邀犬至家。犬不從。乃設四肴與食。併厚贈其家。嗟乎。此殆所謂報恩犬也。異類且然。况于人乎。

張一槐。開染店。嘗中夜有人從屋簷墜下。聞喘聲。燭之。乃里人子也。貽布二疋。錢一千。勗其改行。好言遣去。始終不以告人。後翁年八十餘。終其人已成小康。特至靈前。泣拜不休。或詢之。曰。全名活命之恩。不可忘也。

楊成懋。字振卿。居貞豐里之搖城。幼喪父母。病刺血。籲天。剖股和藥以進。旋愈。人訝其年弱。即能孺慕。感動若是。遂目為孝子云。既冠。娶婦于大姚。陳氏。陳因乏嗣。欲贅諸家。振卿以溫清之職。弗忍踈。乃迎其外父母以歸。治田。搖江上。供甘脆。必豐腆。融々洩々。色養終其身。母既歿。哀毀不能起。築壙舍旁。朝夕往覲。猶定省禮。雖風雨無間。同母兄三人。友愛特甚。後相繼去世。營喪葬。撫孤幼。莫不自畢其力。有一姊。為母



所鍾愛。夫亡挈三甥來歸。振卿以母故。俾終身守志。于家卯翼三甥者。備至。甥長感德。以舅氏之姓為姓。志不忘也。乾隆元年。邀旌門大典。建孝子坊。沈歸愚尚書

原傳諸國賢字公彥。穎村人。澤及同宗。推恩外姓。有故人寄五十金。無有知者。逾年故人歿。無子。以原物還其家。封緘如故。田租自減其額。宿逋手焚其券。不能舉喪者代之葬。以女鬻人者代其贖。好解紛息訟。全人。

情誼保人身家。不可勝述。宜其子若孫身列膠庠者多也。摘錄徐允恭原傳

朱文龍字雲奇。錢王浜人。為人誠實。克勤克儉。二兄雲祥夫婦。養老送終。三兄雲飛夫婦。代為安葬。其澤及同胞如此。并捐田十餘畝。以為族中祭掃之費。至于捨棺木。修橋補路。無不竭力從事。今子孫繁衍。恢宏祖業。積善之報。寧有既乎。迨文煥字仲雍。延師訓弟。霞若雖窘乏。必竭蹶以奉。



遇試期。必身與之偕。時其飲食寒煖。後霞若獲雋青  
庠。始慰所願。長君茂倫。年十七而孤。撫諸弟一如前  
人。奉祖父母尤加謹焉。拮据十有餘年。恢宏前業。悉  
以均分諸弟。德配徐南州女。亦無間言。可謂後先濟  
美者矣。見楊文叔墓誌銘

陳再字與常。長庠生。為人好讀書。敦友誼。其尊人曾  
文先生。所遺田產。悉任兄弟均分。已無所得。後鄉間  
設教。又以修資周濟寡嫂孤姪。從無愠色。嘗有鎮中

西柵一人姓胡。向開雜貨店。後貧忽一日持舊賬簿。  
于路上遇陳公云。先生汝欠我錢五百。現有賬簿陳  
公曰。與汝素不來往。何為欠汝。其人無以對。然觀其  
狀貌。有跼蹐不安之意。陳公即于相與店中。掇以與  
之。歸家並不提起此事。三五日後。西柵人有看見者。  
向胡說曰。汝詐陳先生錢。胡云。我前日死一女。無錢  
買棺木。故設是計耳。觀此一端。則陳公之忠厚待人。  
尤宜為里黨所矜式。



陶剛惠字洪克。舉止端方。笑言不苟。恂恂篤行君子。設帳郡城。及門科第聯綿。凡操觚者。無論識與不識。交相欽慕焉。次君善圻字樹聲。中戊午科副車。考授正紅旗教習。受四川督學院葛君名峻起閱文之聘。以校士勞瘁。没于川。

徐桂芳字幼張。江邑諸生。我石之孫。為郡城宋既庭及門。誠敬朴素。有祖風。著晚香寓言二集。鴻博馮太史勉曾為之序。

徐煥字天章。我石先生族孫也。康熙四十六年。遷于同川。歲時伏臘。與宗黨無間。居家儉朴。好善樂施。同川中市有濶港。中架木梁。時修時廢。往來者遇風雨。輒介于不能前。天章慨然出一千六百餘金。建以石。顏曰泰來橋。里人德之。勒石橋柱。大書貞豐。徐天章獨建。表其姓氏。復不没其里居也。見吳江縣志徐梅字若霖。號南州。嘗館于東山。愛湖山之勝。僑寓十年而歸。為人敦友誼。重然諾。長于古文。與張匠門



何義門吳荆山善結詩文社。後諸公皆顯達。梅獨以一衿終。士論惜之。著有古文辭六卷。詩六冊。其長君穀次君敦復。謀付剗。長洲李文銳。朱奕恂為之序。採太湖備考原傳。

徐夢熊字應占。佐舅氏麻城令。勉齋吳公幕時。有一富戶為巨盜。誣扳應占。檢牘細勘。力請雪之。合邑頌吳為神明焉。已而富戶覘知其故。餽古墨一函。既受。明日展玩。下皆黃金葉子。立召其人還之。由是廉聲

大著。

見李綱文日錄

鄒士和字熙若。有兩兄分宅而居。不事生產。俱未三旬而歿。二寡嫂三孤姪無依。熙若邀嫂氏諸姪同居。以食以教。歷有年所。兩兄宿逋。破已產為之。清理薄遺田畝。俟三姪長。撥還不損毫末。嘗自敘云。奉二嫂守志。撫三孤成立。蓋紀實也。

鄒玉書訓蒙為業。性醇謹。城隍冥出。誤犯攝去。神詰之。答曰。幽明異路。並非故犯。檢其善惡簿。註明不二。



色神為色霽。放還。因名不二子。

陳洪泉經紀營生。嘗泊宿于郡城之山塘。聞哭聲甚哀。詢知其人員旗債無償。鬻妻于商。當別洪泉惻然。捐所携貲本十五六金。代之償。令其完聚。不足再以鋪陳補之。不告姓名而歸。

金仲和年六十餘。事親孺慕。凡大小遺。必躬自浣滌。兒媳請代不許。親歿。哀毀骨立。竭癸營葬于急水港之西。每日清晨。必從渡船過港。中間又隔一水。再從

農舟附至。泣拜墓所。否或隔水遙拜而返。風雨無阻。不分寒暑。

朱尚侯衣工也。事孀母孝。冬月無爐。必以身煖被。候母寢。仍操作竟夜。覓蠅頭為甘旨。供數十年如一日。又有屠者。陳仲嘉亦善事孀母。夜必伴卧。至供養無不下氣怡聲。先意承志焉。

蔡孔彰業星卜。為人待人以誠。處已以敬。親友匱乏。輒減餐以濟。家貧為伊弟完姻。遂終身不娶。矢願葬



親卒賁志而歿。有鄭載颺陶惟一欽其孝行。設法助理安葬蔡氏九棺。以慰孔彰于地下焉。

沈元昇名旭熙。吳江按察司副使名玠懋所公之元孫。君儀公之曾孫也。與先父同牕受業于趙老師。因幼孤家事羈身。無暇作文應試。而課徒讀書。夜間必盡燈火之油而止。其為人也。動必以禮言。不妄發。惟與親友論文。則疊疊不倦。笑容可掬。然其性好靜。無事閒坐。竟可忘食忘寢。月出至更餘。獨立牆門外。對

月徘徊。習以為常。寒暑無間。人不解其何故。子為婿時。偶問及獨立之意。答曰。吾自樂其樂。吾不能言其樂也。秉木筆記

張次玉名見龍。法文宗入泮長洲。因覆試犯規革去。後于張學院吳庠入學。苦志讀書。為人誠實。不尚虛文。可稱古道君子。與先父交最厚。先父大殮日。人見其對壁垂泪。茶飯不用。惟有神傷而已。見子必問一年修資可度日否。并云汝有急用。與我商酌。其種々



厚道言不能盡。予是以追思而不忘也。

秉木筆記

陳秉木名鴻，字聞書。幼即能文。小試輒列前茅。直至四十二歲遊庠。後即無心仕進。而課徒訓子之暇，年近七旬，猶執卷咿哦。晝夜不輟。至其與人酬對，是曰是非曰非侃侃而談。有旁若無人之概。後進咸欽其

正直焉。

錄陸潛廬手抄

陸潛廬名起，仙原名起龍，字健純。與本鎮俞達陶中在徐敦復同入泮。吳庠詩古文藝無一不精。字學尤

長于懷素。而星卜術數。又其餘事也。乾隆二十年後。教授生徒。為一鎮之巨擘。壽至七十九而卒。

朱同仁字惇五，號可齋。府庠生。為人重然諾。樂善好施。解紛排難。雖家道殷實。其閉戶讀書。衣食供奉。幾與貧士無異。中年遷居北柵。之詒燕堂房屋一所。乃所得徐陶軒賠補官產。價極廉。陶軒之弟姪四五房。住正廳之南首側屋。亦在其內。可齋曰。君等連累入官家。又貧。予不忍君等之遷徙也。遂仍舊居住。遠近



聞之。皆稱頌不衰。徐研山有讓宅行以紀其實。  
沈佑民孝友共敦。謙和並著。擅岐黃術。未嘗與人計  
利。愛慕讀書。苟知其人。有才學者。必恭敬之。或其人  
有放僻念者。必緩言訓戒之。壽至八十餘而卒。  
沈天相字士奇。忠厚待人。恂恂似不能言。早歲遊庠。  
書法蒼老。為陶判花之高弟。晚年館穀四方。入其門  
者。如坐春風中。  
陸椿字靈一。號散木。稟質英敏。於騷選諸書。無不熟

諳。輯成增廣事類賦四十卷。將付剞劂。而一切雜技  
俱可繼武。潛廬先生惜去鎮入城。情殷皇路。而所  
如不偶。竟以一衿終竟。

鄭斌字德純。號雪漁。葯房先生曾孫也。長庠廩膳生。  
乾隆甲午。恩科鄉貢士。工書畫。尤精制義。推重先  
達。戰藝金陵。屢薦不售。士林惜之。為人真率豪放。晚  
年徙居吳縣之洞庭東山。終而葬焉。



鄭祥徵字少迂。號莫釐山人。雪漁先生<sup>弟三</sup>也。平生好善。常買物放生。廣施貧人。鎮中當時無二也。死後有土地之說。後蒙

天恩 勅封洞庭福主。越年又邀  
恩 賜 救賜洞府。今其嗣設壇開鸞。時降沙也。

道光十柒年八月日貞豐里人唐雲岩補入  
戊戌 夏四月<sup>孫</sup>修齡百拜謹誌

列女

徐氏年二十。適蘓城夏侯橋管正偁。不苟言笑。動必以禮。正偁急。做之以勤學。正偁貧。佐之以績。緝事上敬。撫下慈。賢明貞順。靡德不備。逾四載。正偁以道試不利。抑鬱成疾。十月九日殂。氏哭之載絕。載甦。臘月二日。顛侍婢問日早晚。是主人屬續時否。婢曰是也。乃登樓焚香誦經。少頃。遂懸脰梁間。嗚呼。可謂從容就義者矣。郡守林公給獎曰。成仁正氣。一時名公鉅



卿挽章成帙附錄宋既庭一詩于後。見李模原傳

徐氏嘉民先生女。康熙二十二年。青邑庠生李思王入贅成婚。甫匝月。思王省親歸里。以暴疾亡。訃至。氏驚號幾絕。徒跣奔喪。撫屍大慟。欲從死。翁姑慮其激烈。給以。及秋營葬。後任自為計。蓋欲緩其期。以曲解之也。氏領之。已而未。即舉。襄哭盡哀。自經于柩側。以家人救得甦。繼乃絕粒。堂上泣勸。始啜一粥。旋以母病歸。奉湯藥。俟稍愈。遂水漿不入。經五日而殂。氏早

年失怙。母女相依。委曲承順。女紅之暇。訓幼弟讀書。孝友出自天成。至其節烈。尤卓。炳耀天壤。為舉世所難。康熙間題。錄青浦縣儒學呈冊

費氏嫁吳江龐雲衢。為繼室。康熙五十九年。夫亡。殮畢。取膳夫刀自刎。伊兄夏如趨至。尚移上幾步而仆。題。旌建祠。

陳佩玉妻徐氏。十八嫁。四年寡。事孀姑。撫嗣子。三十餘年。貞操如一。郡守給獎。曰孝慈完節。雍正十一年



建坊採入縣志。

章氏年十八適蘆墟鎮周彩若。成婚時彩若已染瘵疾。氏倉皇調護。甫一年而歿。舅姑老無依。氏紡績以供孝養。既而相繼逝。父顯聞携氏至家。益自勤苦。寸累銖積。並舉三喪。又遍延宗黨力請置嗣。定恩勤撫教。迄有成立。雍正五年採入縣志。吳庠嚴師厚立傳。乾隆九年題旌壽七十有七。苦節五十九年。陳天儀妻徐氏。夫亡無子。姑病暑不揮蚊侍立中夜。

及歿哀毀盡禮歸奉母氏。孝養兼至。撫嗣子成立。充臻慈道。乾隆九年題旌採入縣志。

戴松年妻徐氏。夫歿宿逋。全集親友念其孤苦。願捐所負。氏不許。十指告瘁。而所負不少。寸銖撫孤成立。女中文夫也。乾隆十年題旌。

陳素存妻凌氏。十八嫁。二十寡。嗣子沒。族無可繼。艱辛萬狀。百折不回。晚益貧困。依房姪。歿于郡城。金懋修妻鄧氏。夫歿遺孤天依。母氏長齋縞素。矢志葬夫。



未遂而歿。皆乾隆十一年題。旌。

沈應祥妻孫氏。徐鴻傳妻沈氏。俞世瑄妻陸氏。陶美

成妻馬氏。陶仁趾妻干氏。陶陟山妻金氏。近君常妻

徐氏。費誠所妻金氏。朱建侯妻潘氏。朱聖一妻沈氏。

方瑞華妻湯氏。陸鶴翔妻吳氏。韓爾卿妻朱氏。柳丕

緒妻盧氏。皆雍正乾隆間題。旌。

韓秉質妻王氏。年二十寡。遺孤僅六十八日。教養成

立。四十一歲病沒。曰。吾今可以下報夫君矣。雍正三

年。以新例題。旌。韓祖培妻吳氏。二十八歲夫亡。一

子二女。撫育訓誨。倍極辛勤。苦節三十三年。乾隆三

年題。旌。二氏俱韓鎮人。

諸本侯繼妻顧氏。于歸時翁姑已故。以未及奉侍為

憾。事繼姑盡孝。夫歿。知大義。不敢身殉。葬翁姑。與夫

及夫前室。撫前室二子。慈誨與已子同。晝夜操作。澹

泊自甘。苦節三十七年。諸玉書妻徐氏。二十七歲寡。

夫嗣出。待姑盡孝。事本生翁姑。仍定省無缺。稱寡之



日長子三齡。次子未週歲。家貧紡績度日。先奉甘旨。次及二子。後乃自給。饗殮不能常繼。苦節三十八年。二氏皆潁村人。乾隆六年題旌。

張氏朱涵光聘室。及笄。涵光死。父母無子。欲令改適。氏不從事親二十餘年。候族弟長成。奉為父。後年六十餘卒。可稱貞孝。兩全。楊茂林妻李氏。張聖武妻沈氏。朱振玉妻王氏。皆張家港人。俱題旌。

韓氏潁村諸蕙。三原配。早年失怙。舉動一遵母訓。子

歸後。事翁姑。克盡孝道。凡烹飪澣滌。雖寒暑不以假人。曰婦道宜然也。蕙三為繼嗣事。堂從失歡。氏極諫乃止。具有鬚眉之志。蘇府學教授浦起龍旌其廬曰壺孝流徽。

邱氏戴渭臣妻。之佐之媳。夫染危疾。氏云。古人割股療親。夫猶天也。曷惜寸膚耶。遂割以進。病亦旋愈。逾年仍沒。氏年二十九。織蓆營生。撫孤成立。子桂。字振宇。亦割股療母疾。鄉里稱有節母。并有孝子云。



徐臨滄妻施氏。年三十而寡。遺孤僅九月。以撫以教。至於成立。事姑孝。既沒。以悲泣。故兩目失明。支撐內外艱苦。備嘗。歷三十餘年。如一日。子名桂林。字月培。長庠。入泮。解元。施陸錦。氏叔也。嘗為之立傳。徐濟妻王氏。年未三旬。夫沒。欲投井。家人力防得免。撫嗣成立。矢志三十餘年。與施氏為妯娌。閭黨稱雙節焉。朱氏。銀子。洪鍾季之妻。為鍾養媳。翁貧。為鬻人婢。季傭工。得值贖回。結褵後。事翁姑盡孝。姑盲性暴。稍不

遜。詬詈立至。婦奉命惟謹。有小姑贅婿。婦執爨以供其夫婦。無怨容。姑死。厝于田間。日往號哭。感動旁人。婦小家女。能知大體。殆得之天性者與。節錄徐幼張原傳陳天明。雙瞽。善星卜。妻計氏。已未年嫁。庚申年夫亡。氏僅二十歲。未生育。貧困吃長齋。以靛緞靛錠為業。晝夜不輟。苦掙三四百金。傳於嗣子。守節四十七載而卒。

乾隆十六年。徐道光歿于粵西藩署。聘室潘海峰之



妹。吳江人。五月聞訃。六月自縊。其家迎柩合葬。未及蒙旌。良可惜也。

費氏。許家港。懷天綦聘室。將婚而夫死。氏欲奔喪。父不許。欲自盡。防之密。得不死。已而又欲別配。遂夜半投繯。氏之母舅葉林輔。設祭送柩于夫家。與天綦合葬。邑尊給匾額旌廬。

周氏。郭香聘室。祈庄人。未嫁而香亡。氏欲視殮。曰得見夫而我願畢矣。父不許。潛以配人。氏知之。遂自經。

周郭俱屬鄉愚。既不請旌。復不合葬。良為可傷。諸氏徐煥章妻。年三十。夫故住鎮中。鬧市。日常閉戶。至戚叩必問明。後啟家貧。藉女紅撫育子女。荼苦備嘗。不出愁嘆之聲。年八十餘卒。



流寓

王行字止仲。沈萬三延為西賓。在銀子浜中。行吳縣人。幼隨父依藥舖徐翁家。徐媪喜聽稗說。行日向書肆記數本。為媪誦之。媪悅。以語翁。授以論語。逾夕。悉成誦。異之。俾盡讀家藏書。遂淹貫經史百家言。未弱冠。謝去。課徒齊門。與諸名士交。在沈塾。每一文成。萬三酬白金一鎰。行輒麾去。曰。使富而可守。則燃臍之慘不及矣。著有半軒集行世。

參見明史



張可觀名觀嘉定人善畫與吳仲圭遊故其筆力古勁無俗弱之氣嘗徙居華亭再遷嘉興晚年來住周莊修圃灌花頗有雅人深致遂歿于此採陳眉公筆記及府縣志李實字如石號鏡菴東川遂寧人為長洲縣令鼎革後隱于陳湖之濱水濶蘆深幅巾垂釣課徒其中好扁舟獨遊清曠無人之處置酒一壺莛一盃或魚蔬之類終日不歸興酣作詩隨亦棄去順治十六年湖盜起假亡明義兵為名劫先生先生弗從及子仙

根及第先生終身不與一見易簣時遺命不許設弔幕繪像寫旌及樹墓碣其深識如此採李容山陳湖八景詩序李仙根字子靜永慶庵改十方禪院其飯僧田碑文篆額書丹乃其手筆隨父隱于陳湖之濱入本朝廷對第二人後卒于官

金聖嘆館于周莊戴宜甫家課其子星歸金能扶此與泐大師善宜甫以伊子前程叩此云工部終身後星歸犯法死于初工部之手



沈同和字志學。吳江人。晚年隱于周莊。永慶庵正殿  
蒲牢。渠為募首。復營別業于鎮南三四里許之張家  
浜。同和美丰姿善詞賦。獨不長于制藝。鄉場中式。姻  
親趙鳴陽擬成爽。音葉場中進會試。僅獲一藝。餘皆  
鳴陽代作。揭曉。沈為會元。趙次第六。京師譁然。遂致  
塗榜。因以上聞。榜係素紙。朝廷頒發。墨可洗刷。惟用  
蛋白調和。點滴直透紙背。不能上呈。事發。有救者薦  
其能詩。因命殿前賦梅花詩一百首。頃刻而成。上意

欲赦之。旋又有言。國家八股取士。未嘗用詩。仍令覆  
試。出士憎茲多口題。竟日不能成篇。主司房官問罪  
有差。沈趙黜革。照例問軍。其時有丙辰會錄。斷么絕  
六之諺。神宗年號萬曆在鳴陽卷面。有一日十三篇。江南  
才子硃批。其後沈趙俱遇國恩。赦罪。同和之在張家  
浜也。與潯陽灣陶正吾友善。一溪之隔。約為基社。有  
昨日燈前曾有約。今朝移艇渡溪來之句。  
文蘭字若芬。文肅公從孫也。善書。得其家法。贅于周



莊徐氏。鼎革。隱居閉戶。讀書不輟。怡如也。不善生  
產。資身無計。往南都。上疏福藩。觸忤權貴。幾致殞命。  
幸憲友顧仲容救援。得歸故里。鄉黨目為狂生。見徐良哉  
筆記及懷文集

于志師。金壇人。為沈懋所之外孫。時來寓于表兄沈  
賓臣家。凡鎮中公事。渠為主盟。殿撰于振。乃其孫也。  
徐昭法。名枋。画妙絕倫。為當世推重。時至徐良哉家。  
其家墨蹟甚多。至于人品之高。人所共知。毋庸贅及。

楊牧。工名稱。工篆字。圖章。父形寶。名丹生。號山夫。善

星卜。俱寓於貞豐。

見懷友集

管公。躍名淵。汾湖人。好讀書。放懷詩酒。寓貞豐。聚九  
老為耆英會。為人疎財仗義。嘗因豪暴侵凌孤弱。奮  
身不顧。以至傾家。既而嘆曰。人生尚意氣。亦虛耳。遂  
謝絕世務。惟以岐黃濟人。摘錄戴慶長原傳  
毛休文。名瑩。黎川人。詩才人品。雅重一時。寓貞豐里。  
在四老園中。子康。叔名錫。年工丹青。為近代名宗。



汝其修名。周錄黎川人。館于徐氏。誠實君子。不識外務。子百盈。亦坦衷無我也。善碁。為江南第一手。費洪學。字巽來。吳江人。癸未進士。人品學問。載在吳江縣志。為費晚佩家西賓。

周振業。字右序。江邑副榜。館于沈氏。性行高潔。嘗遇故人子于途。憐其單寒。解衣衣之。因得疾而逝。見江南通志

沈丹楸。字鳳岐。江邑廩生。館于沈氏。弱冠娶妻。生子

甫。週妻歿。終身不娶。子復夭。撫寡媳孤孫。至于成立。篤厚君子也。

顧問。字七思。姚蘄人。嘗寓居周莊。才高不求仕進。有詩稿流傳。善詞曲。有不及髯九連環等傳奇。

陳麟徵。字瀛少。青邑諸生。贅婿徐若霖家。年未三旬。鰥居不娶。無子。為人落拓不羈。疎財仗義。豪于酒。胸鏡中曠如也。壬申冬。病歿于佘山之婿家。



名宦

周莊巡檢設列以來。到任者多有才幹。而乾隆四十二年。丁艱。卸任之唐上基。字載宏。湖南辰州府瀘溪縣廩貢。在鎮辦事五年餘。有事化為無事。廉明並著。并樂與文人相往來。令似名永命。字祈天。與吾鎮會文之社。亦學品俱優。故鎮俗宜民之額。乃里中士庶敬陳堂上。至今猶在。







